

Archbishop Karekin Kazanjian

TO BE RETURNED TO THE
PUBLICITY FILE

ԳԵՐ. Տ. ԳԱՐԵԳԻՆ ԵՊԻՍԿՈՊՈՍ ԳԱԶԱՆՃՅԱՆ

Diocese of the Armenian Church
630 Second Avenue, N. Y. C. 10016

*File: Armenians
Clergy*

Գեր. Տ. Գարեգին եպիսկ. Գազանճյանը, ավագանի անունով Պետրոս, ծնվել է Կ. Պոլսում՝ 1927 թվականի մայիսի 18-ին: Հայրը՝ Վաղարշակ, մայրը՝ Շողակաթ, եղել են բնիկ երզնկացիներ: 1933 թվականին կանխահաս մահով կորցնում է հորը և ապրում է որբի դասնությունը:

1940 թվականին ընդունվում է Երուսաղեմի հայոց վանքի Ժառանգավորաց վարժարանը: 1945 թվականին ավարտում է Ժառանգավորաց վարժարանը և հոկտեմբերին սարկավագ է ձեռնադրվում Տ. Կյուրեղ պատրիարքից և դառնում Ս. Հակոբյանց վանքի միաբանության անդամ: 1948 թվականին ավարտում է քննադարանը փայլուն հաջողությամբ:

1950 թվականի հունվարին կուսակրոն քահանա է ձեռնադրվում:

Այնուհետև վանքում խոստումնալից և երիտասարդ հոգևորականի առաջ բացվում է վանական, կրթական գործունեության ասպարեզը:


1946—1949 թվականներին վարում է Ժառանգավորաց վարժարանի փոխտեսչի պատասխանատու պաշտոնը, 1950—1951 թվականներին՝ դիվանապետի պաշտոնը: Նույն տարվա մեջ վերադառնում է իր ծննդավայրը՝ Կ. Պոլիս, Գարեգին պատրիարք խաչատրյանի հրավերով՝ ստանձնելու նորաբաց Ս. Նաչ դպրեվանքի տեսչական պաշտոնը մինչև 1953 թվականը: 1954 թվականին Գարեգին պատրիարքից ստանում է ծայրագույն վարդապետական աստիճան:

1952 թվականին Կ. Պոլսի հայոց պատրիարքության պաշտոնաթերթ «Շողակաթ» ամսագրի խմբագիր է նշանակվում միաժամանակ դասավանդելով Կենտրոնական բարձրագույն և Պեղճյան միջնակարգ դպրոցներում:

1953—1959 թվականներին եղել է Կ. Պոլսի պատրիարքության կրոնական ժողովի ատենապետ:

1959 թվականին հովվական պաշտոնով մեկնել է Ամերիկա և ստանձնել Վաշինգտոնի հայ եկեղեցու հովվությունը: Նույն պաշտոնի վրա մնացել է մինչև 1966 թվականի սեպտեմբերը, ծավալելով եկեղեցական, մշակութային, կրթական, վարչական բեղուն գործունեություն: Նույն տարիներին աշխատակցել է «Հայաստանյայց եկեղեցի» առաջնորդարանի պաշտոնաթերթին և «Նոր աշխարհ» շաբաթաթերթին:

1963 թվականին ընտրվել է Ամերիկայի հայոց թեմական էքոնոմի անդամ:




1966 թվականի սեպտեմբերին, Ամենայն Հայոց Վեհափառ Հայրապետի բարեհաճ կարգադրությամբ նշանակվել է Հնդկաստանի և Հեռավոր Արևելքի Հայրապետական Պատվիրակի փոխանորդ, և այդ հանգամանքով հոկտեմբերի 23-ին եպիսկոպոս է ձեռնադրվել Ս. Տաճարում՝ Ն. Ս. Օծուխյան ձեռքով:

Նորապսակ Տ. Գարեգին եպիսկոպոս Գազանճյանը հայ եկեղեցու պատրաստված, հավատավոր և նվիրյալ հոգևորականներից է: Միշտ ծառայասեր, պատրաստակամ, անվարան գնացել է այնտեղ, ուր իր կոչումը նրան առաջնորդել է:

Տ. Գարեգին եպիսկոպոսը գտնվում է իր ուժերի հասության շրջանում: Ամենայն Հայոց Հայրապետը նրան կոչել է լուրջ ու պատասխանատու աշխատանքի: Վստահ ենք, որ Տ. Գարեգին սրբազանը իր նոր պաշտոնավարության մեջ, կարգարացնի Հայրապետական բարձր վստահությունը, բարի արդյունավետությամբ, ի պաշտոնություն Հայաստանյայց առաքելական եկեղեցու և ի մխիթարություն հայ հավատացյալ ժողովրդի:

ԲջՄաթե, Աբգարյան



ՀՈԳԵՎՈՐ ՃԵՄԱՐԱՆԻ ՎԵՐԱԲԱՑՈՒՄԸ

Սեպտեմբերի 15-ին, հինգշաբթի օր, առավոտյան ժամը 11-ին, տեղի ունեցավ Հոգևոր Ճեմարանի 1966—67 ուսումնական տարվա հանդիսավոր բացումը:

Հանդիսությանը նախագահում էր Վեհափառ Հայրապետը:

Ներկա էին Մայր Աթոռի միաբանությունը, Գերագույն Հոգևոր Խորհրդի անդամները, Ճեմարանի դասախոսական կազմը, Մայր Աթոռի պաշտոնեությունը և այլ հրավիրյալներ:

Հանդիսությունը բացվեց Հայկական ՍՍՀ պետական հիմնի նվազով: Ապա՝ Հոգևոր Ճեմարանի երգչախումբը կատարեց «Որք զարդարեցին» թարգմանչաց երգը: Այնուհետև՝ Հոգևոր Ճեմարանի ավագ վերակացու արժ. Տ. Հովհաննես քահանա Մարությանը ընթերցում է «Սերմնացանի առակ»-ը:

Հոգևոր Ճեմարանի տեսուչ Ներսես Ժ. վրդ. Պողոսյանը հանդեսի բացումը կատարում է ոգևորիչ և խանդավառ ճառով՝ շեշտելով Հոգևոր Ճեմարանի դերը մեր օրերում ևս հայ եկեղեցու պայծառության և մեր ժողովրդի հոգևոր, հայրենասիրական դաստիարակության շնորհակալ գործում: Տեսուչ Հայր Սուրբը կոչ է անում ուսանողությանը՝ այս տարի ևս աշխատել է՛լ ավելի արդյունավետ կերպով գիտություն ամբարել մեղուների փութաջանությամբ և պատրաստվել զալիք օրերի ծառայության սուրբ գործին, որին անհամբեր սպասում են մեր եկեղեցին և մեր ժողովուրդը: Հայր Սուրբն իր խոսքը վերջացնում է այն սրտագին բարեմաղթությամբ, որ այս տարի էլ Հոգևոր Ճեմարանի նվիրական կամարների տակ, ձեռք-ձեռքի տված՝ տեսուչ, դասախոս և ուսանողություն, հավատքով, սիրով՝ աշխատեն միակամ՝ մեծ տեսիլքի ճանապարհի վրա:

Իր բացման խոսքի վերջում տեսուչ Հայր Սուրբը հայցում է Աստուծո օգնականությունը

և Վեհափառ Հայրապետի օրհնությունը՝ կրթական այս հարկի բոլոր մշակների, աշխատավորների և ուսանողության վրա:

Ճեմարանի երգչախումբը խանդավառորեն կատարում է «Աշակերտը Քրիստոսի» շարականը:

Այնուհետև՝ ընդհանուր լուսության մեջ խոսք է անում Վեհափառ Հայրապետը՝ տալու հայրական իր խրատներն ու օրհնությունները՝ տեսչության, դասախոսական կազմին և աշակերտության:

Հանդիսությունը վերջանում է Վեհափառ Հայրապետի «Պահպանիչ»-ով և խմբովին երգված «Տերունական աղոթք»-ով:

Ճեմարանի տեսչությունը, դասախոսական կազմը և ուսանողությունը աջահամբույրով ստանում են Վեհափառ Հայրապետի օրհնությունը:

Սեպտեմբերի 15-ին, ուրախ ու տոնական հնչում է Ճեմարանի հարկի տակ, 1966—67 ուսումնական նոր տարվա առաջին զանգը:

Ավելի ուշ՝ Վեհափառ Հայրապետը բարեհաճում է Վեհարանում ընդունել դասախոսական կազմին, շնորհավորում ուսումնական նոր տարին, օրհնում նրանց աշխատանքը՝ անելով նաև մի շարք թելադրություններ՝ Ճեմարանում ուսումնա-դաստիարակչական աշխատանքների է՛լ ավելի արդյունավետության համար:

Այս տարի Ճեմարանում սովորում է 31 ուսանող՝ բաժանված հինգ դասարանների վրա. 1-ին՝ Ա, Բ, Գ դասարանական բաժիններում և 2-րդ՝ Ա, Բ լսարաններում:

Ճեմարանի դասախոսական կազմը համալրվել է նոր ուժերով: Ճեմարանի նախկին վերատեսուչ գեր. Տ. Հայկազուն արքեպիսկոպոս Աբրահամյանը ևս սիրով ստանձնել է մի շարք կրոնական մասնագիտական կարևոր առարկաների դասավանդումը Հոգևոր Ճեմարանում:

